

四庫全書

集部

欽定四庫全書

文苑英華卷二百四十五

宋 李昉等 編

酬和六

令狐楚三首

李逢吉三首

韓愈三首

孟郊一首

劉禹錫八首

元稹三首

呂溫二首

張籍七首

白居易十六首

姚合八首

賈島六首

釋無可七首

將赴洛下旅次漢南獻上相公二十凡言懷八

韻

令狐楚

台室名曾繼旌門跡暫過歡情老去少苦事別離多便
為開樽俎應憐出網羅百憂今已失一醉孰知他帝德
千年日君恩萬里波許隨黃綺輩閑唱紫芝歌龍袞期
重補梅羹佇再和嵩邱未攜手君子意如何

奉和酬相公賓客漢南留贈八韻

前人

自作分憂別今方便道過悲酸如我少語笑為君多淚

亦因盃酒歡非待

一作侍

綺羅路歧傷不已松栢性無他

悵望商山老慙懃漢水波重言塵外約

相公往年垂贈六約

難繼

郢中歌玉管離聲發銀缸曙色和碧霄看又遠其柰獨
愁何

奉和僕射相公酬忠武李相公見寄之作

前人

麗藻飛來自相庭五文相錯八音清初瞻綺色連霞色
又聽金聲繼玉聲才出山西文與武歡從塞北弟兼兄
白頭老尹三川上雙和陽春喜復驚

奉送李相公重鎮襄陽

李逢吉

海內珽埴遍漢陰旌旆還望留丹闕下恩在紫霄間冰
雪背秦嶺風煙經武關樹皆人尚愛轅即吏曾攀自惜
兩心合相看雙鬢斑終期謝戎務同隱鑿龍山

再赴襄陽辱宣武相公貽詩今用奉酬

前人

解鞍辭丹禁揚旌去赤墀自驚非素望何力及清時又
據三公席多慙四老祠峴山風已遠棠樹事難追江漢
饒春色荆蠻足夢思唯憐吐鳳句相示鑿龍期

奉酬致仕楊祭酒見寄

前人

初還相印罷戎旃獲守皇居在紫煙妄比鄴侯功蔑爾
每懷疏傅思悠然應將半俸霑閭里料入中條訪洞天
十載別離那可道倍令驚喜見來篇

奉和裴相公假山十一韻

已見一百六十一卷

韓愈

奉和庫部盧四兄曹長元日朝迴

前人

天仗霄巖樹羽旄春雲送日曉雞號金鑪香動螭頭暗
玉佩聲來雉尾高戎服上趨承北極儒冠列侍映東曹
太平時節身難過郎署何須歎二毛

和高平朱叅軍思歸作

前人

髯參軍髯參軍身為北州吏心寄東山雲坐見萋萋芳

草綠遙思往日清

一作晴

江曲刺船頻向剡中迴捧被曾

過越人宿花裏鶯啼白石高春樓把酒送車螯狂歌好
愛陶彭澤佳句惟稱謝法曹平生樂事多如此忍為浮
名隔千里一鴈南飛斷客心思歸何待秋風起

答友人相贈

孟郊

白日照清水淺深無隱姿君子業高文懷抱多正思砥
行碧山石結交青松枝碧山無轉易青松無集作難傾移

落落出俗韻琅琅大雅詞自非隨氏掌明月安能持十

載

集作千里

不可到一發

集作返

無近期如何非意中良覲忽

在茲道話

集作語

必踈索

集作淡

儒風易凌遲願從正直

集作

聖貞

節勿謂霜雪

集作震

欺

奉和淮南李相公早秋即事寄成都武相公

劉禹錫

八柱共承天東西別隱然遠夷爭慕化真相故臨邊並
進獲龍位仍齊龜鶴年

相公詩有齊年並進之句

同心舟已濟造膝

壁常聯對領專征寄遙持造物權斗牛添氣色井絡靜
氛煙獻可通三畧分甘出萬錢漢南趨節制淮北賜山
川玉帳觀渝舞虹旌獵楚田步嫌雙綬重亭入九城偏
秋與離情動詩從樂府傳聆音還竊拊不覺撫么絃

奉和吏部尚書太常李卿二相公策免後即事

述懷贈答十韻

前人

文雅闕西族衣冠趙北都有聲真漢相無類勝隨珠當
軸龍為友臨池鳳不孤九天開內殿百辟看晨趨誠滿

澄敬器成功別大鑪餘芳在公論積慶是神扶步武離
台席翱翔集帝梧銓材秉秦鏡典樂去齊竽瀟灑風塵
外逢迎詩酒徒唯應待華皓更食萬錢厨

酬淮南廖叅謀秋夕見過之作

公昔為揚州從事叅謀從釋子

初反

前人

揚州從事夜相尋無限新詩月下吟初服已經玄髮長
高情猶向碧雲深語餘時舉一杯酒坐久方聞數處砧
不逐繁華訪閒散知君擺落俗人心

尉遲郎中見示自南遷牽復却至洛城東舊居

之作因以和之

前人

曾遭飛語十年謫新受恩光萬里還朝服不妨遊洛浦
郊園依舊看嵩山竹含天籟清商樂水遶庭臺碧玉還

留作功成退身地如今只是暫時間

集作
閒

和蘇十郎謝病閒居時嚴常侍蕭給事同過訪

歎初有二毛之作

前人

清羸隱几望雲空左掖鴛鴦到室中一卷素書消永日

數莖斑鬢對秋風
菱花照後容
雖改著草占來夢
已通
莫怪人人驚
早白緣君合是黑頭翁

朗州竇員外見示與澧州元郎中郡齋贈答長

句二篇因而繼和

前人

鴛鴦差池出建章
綵旗朱戶鬱相望
新恩共理犬牙地
昨日同含鷄舌香
白芷江邊分驛路
山桃溪外接甘棠
應憐一罷金閨籍
枉渚逢春十度傷

遙和白賓客分司初到洛中戲呈馮尹

前人

西辭望苑去東占洛陽才度嶺無愁

集作歸

思看山不懼

來冥鴻何所慕遼鶴乍飛迴洗竹通新徑攜琴上舊臺
塵埃長者轍風月故人盃聞道龍門峻還因上客開

杏園花下贈夢得

白居易

和白樂天杏園花

劉禹錫

同前

以上三篇並見
三百二十一卷

元稹

及第後答潼關主人

呂溫

本欲雲雨化却隨波浪翻一霑太常第十過潼關門志
力且虛棄功名誰復論主人故相問慙笑不能言

吐蕃列館和周十一郎中楊七錄事望白山作

呂溫

純精結奇狀皎皎天一涯玉嶂擁清氣蓮峯開白花半
巖晦雲雪高頂澄煙霞朝昏集作暮對賓館隱映如仙家

夙聞蘊孤尚欲窮限幽遐暫因行役暇偶得志所嘉明
時無外戶勝境即中華况今舅甥國誰道隔流沙

酬白太傅

元稹

太空秋色涼，獨鳥下微陽。
三徑池塘靜，六街車馬忙。
漸能高酒戶，始是入詩狂。
官冷且無事，追陪慎莫忘。

酬竇校書二十韻

次用本韻

前人

鷗鷺元相得，杯觴每共傳。
芳遊春爛熳，晴望月團圓。
調笑風流劇，論文屬對全。
詠集作賞花珠並綴，看雪壁常連。

竹籜荒唯好，松栽小更憐。
潛投孟公轄，狂乞莫愁錢。
塵土拋書卷，搶籌弄酒權。
令誇齊箭到，力鬪抹弓絃。
但喜

深

集作添

罇滿誰憂乏桂燃漸輕身外役渾證飲中禪及

我辭雲陸逢君仕圃田音徽千里斷菟夢兩情偏足聽
猿啼雨深藏馬腹鞭官醪半清濁夷饌雜腥羶顧影無
依倚甘心守靜專那知暮江上俱會落英前款曲生平
在悲涼歲序遷鶴方同北渚鴻又過南天麗句慙虛擲
沉機懶強牽粗酬珍重意工拙定相懸

和令狐相公

集作尚書

平泉東

一作西

莊近屬李僕射

因寄十韻

張籍

平地有清泉伊南古寺邊漲池閑繞屋流墅

集作出野

遍澆

田舊隱離多日新鄰得幾年探幽昏一絕選勝又雙全

門靜山光別園深竹影連斜分採藥徑直過釣魚船鷄

犬還

集作應

相識煙霞亦競鮮

集作雲霞頓覺鮮

追尋應不遠吟

賞

集作賞愛

定難偏此處堪長往遊人早共傳各當恩寄重

歸卧恐無緣

酬李僕射春日見示

集作晚春見寄

前人

戟戶洞初晨鶯聲雨後頻虛庭清氣在衆藥濕光新魚

動芳池面苔侵老竹身教鋪嘗酒處自問探花人獨此

長多病閒居

集作幽居

欲過春今朝聽高韻忽覺離埃塵

和裴僕射寄韓侍郎

四字集作移官言志

前人

久在

集作身在

勤勞地常思放曠時功高

集作成

歸聖主位重

委羣司看疊臺邊石行

集作閑

吟篋裏詩蒼生正瞻仰

集作

望難與故山期

酬白舍人早春曲江見招

前人

曲江水欲盡風物已

集作日已

恬和柳色看猶淺泉聲覺漸

多紫蒲生濕岸青鴨弄

集作戲

新波仙掖高情客相招共

一過

酬韓庶子

前人

西街遊僻處正與懶相宜尋寺獨行遠借書常送遲家

貧無異

集作易

事身病足

集作是

閒時寂寞誰相問祇應君

獨

集作自

知

答白杭州郡樓登望畫圖見寄

前人

畫得江城登望處寄來今日到長安乍驚物象集作色從

詩出更想工人下手難將展書堂偏覺好每來朝士集作

客盡求看見君向此閒吟意肯恨一作限當初一作時作外

官

酬王秘書閒居見寄集作酬秘書王丞見寄

前人

相看頭白來城闕却憶漳溪舊往還今體詩中長集作偏

出格常朝

集作參

官裏每同班街西借宅多臨水馬上逢

人亦說山書閣客

集作芸閣水

曹雖最冷與君長喜得身閒

奉和汴州令狐相公二十二韻

同州淹字

白居易

客有東征者夷門一落帆二年方得到五日未為淹

相府

領鎮隔年居易方到陪奉遊宴凡經五日

在浚旌重葺遊梁館更添心因好

善樂貌為禮賢謙俗阜知敦勸民安見察廉仁風扇

平聲

道路陰雨膏

去聲

閭閻文律操將柄兵機釣得鈴碧幢油

業業

集作
葉葉

紅旆火檐檐景象春加麗威容曉助嚴槍森

赤豹尾纛吒黑龍髯門靜塵初斂城昏日半銜選幽開

後院占勝坐前簷平展絲頭毳高褰錦額簾雷槌柘枝鼓

雪擺胡

音
鵲

騰衫髮滑歌釵墜粧光舞汗霑迴燈花簇簇

過酒玉纖纖饌盛盤心璫醅濃盞底粘陸珍熊掌爛海

味蟹螯鹹福履千夫祝儀形四座

集作
海

瞻羊公長在峴

傳說莫歸巖

蓋祝者之
詞意也

眷愛人人遍風情事事無猶嫌

客不醉同賦夜厭厭

答韋八

前人

麗句勞相贈佳音悵

集作期恨

有違早知留酒待悔不赴花

歸春盡綠醅老雨多紅萼稀今朝如一醉猶得及芳菲

醉中戲酌鄭使君時使君先歸留妓樂重飲

前人

密坐移紅毯酡顏照綠盃雙娥留且住五馬任先迴醉
耳歌催醒愁眉笑引開平生少年興臨老暫重來

分司初到洛中偶題六韻兼戲河南

二字集作呈馮尹

前人

相府念多病春宮容不才官銜隨

集作依

口得俸料

集作祿

逐身來白首園林在紅塵車馬迴招呼新客侶掃掠舊
池臺小舫宜攜樂新河荷蓋盃不知金谷主早晚賀筵

開

立春日酌錢員外曲江同行見贈

前人

下直遇春日垂鞭出禁闈兩人攜手語十里看山歸柳

色早紅淺水紋新綠微風光向晚好車馬近南稀機盡
笑相顧不驚鷗鷺飛

答夢得秋庭獨坐見贈

前人

林梢隱映夕陽殘庭際蕭疎夜氣寒霜草欲枯蟲思急
風枝未定鳥棲難容衰見鏡同惆悵身健逢盃且喜歡
應是天教相暖熱一時垂老與閒官

酬夢得秋夕不寐見寄四韻

次用
本韻

前人

碧簾絳紗帳夜涼風景清病聞和藥氣渴聽碾茶聲露
竹偷燈影煙松護月明何言千里隔秋思一時生

和鄭元及第後秋歸洛下聞居同高侍郎下隔

年及第

前人

勤苦成名後優游得意間玉憐同匠琢桂恨隔年攀山
靜豹難隱谷幽鷓暫還微吟詩引步淺酌酒開顏門迥
暮臨水窓深秋對山雲衢日相待莫悟許身閒

酬夢得以予五月長齋延僧徒絕賓友見戲十

韻

前人

賓客懶逢迎，翛然池館清。
簷閣空燕語，林靜未蟬鳴。
萱

血初

集作
還

休食盃觴亦罷傾，三春多放逸。
五月暫脩行

香印朝煙細，紗燈夕焰明。
交遊諸長老，師事古先生

乾竺

古先生也

禪後心彌寂，齋來體更輕。
不唯忘肉味，兼擬滅風

情。蒙以聲聞待，難將戲論爭。
虛空若有佛，靈運恐先成

宣武令狐相公以詩寄贈傳播吳中聊奉短章

用申酬謝

前人

新詩傳詠忽紛紛楚老吳娃耳徧聞盡解呼為好才子

不知官是

一作在

大

集作上

將軍詞人命薄多無位戰將功

高少有文謝朓篇章韓信鉞一生雙得不如君

奉和晉公侍中蒙除留守行及洛師感悅發中

率然成詠之作

前人

鸞鳳翱翔在寥廓貂蟬瀟灑出埃塵致成堯舜昇平代
收得夔龍強健身拋擲功名還史冊分張歡樂與交親
商山老皓雖休去終是留侯門下人

和楊郎中賀楊僕射致仕後楊侍郎門生合宴

席上作

前人

業重關西繼大名恩深闕下遂高情
祥鱣降伴趨庭鯉賀燕飛和出谷鶯
范蠡舟中無子弟踈家席上欠門生
可憐玉樹連桃李從古無如此會榮

和談校書秋夜感懷呈朝中親友

前人

遙夜涼風楚客悲清砧繁漏月高時
秋霜似鬢年空長

春草如袍位尚卑詞賦擅名來已久煙霄得路去何遲
漢庭卿相皆知己不薦揚雄欲薦誰

歲暮枉衢州張使君書并詩因以長句報之

兩州彼此意何如官職蹉跎歲欲除浮石潭邊停集作呈非

五馬望濤樓上得雙魚萬言舊手才難敵五字新題一作

成非思有餘貧薄詩家無好物反投桃李報瓊琚張曾應萬言登

科

見殷堯藩侍御憶江南詩三十首詩中多叙蘇

杭勝事予嘗典二郡因繼和之

前人

江南名郡數蘇杭題寫

一作寫在

殷家三十章君是旅人猶

苦憶我為刺史更難忘境牽吟詠真詩國興入笙歌好
醉鄉為念舊遊終一去扁舟直擬到滄浪

奉和相公座主西庭秋日即事

姚合

西亭秋望好寧復要

一作寧要更

垂簾夫子墻還峻鄴侯宅

過謙微風紅葉下新雨綠苔黏窗外松初長欄中藥復

添

集作
旋添

海圖裝玉軸書日記牙籤竹色晴連地山光遠

入簷酒醲盃稍重詩冷語多尖屬和才雖淺題高免客

嫌

和田太僕

一作和太
僕田卿

酌殷侍御見贈

前人

往還知分熟酬贈思同新嗜飲殷偏逸聞吟卿亦貧古
苔寒更翠脩竹靜無鄰促席燈浮酒聽鴻霜滿身淺才

唯是我高論更何人攜手宜相訪窮居

集作行

少路塵

酌李廓精舍南臺望月見寄

前人

看月雲

集作空

門裏詩家景有餘露寒僧帽出林靜鳥巢

虛

集作疎

遠色當秋半清光勝夜初獨無臺上思寂寞守

吾廬

奉酬太僕田卿書齋即事見寄

前人

幽齋琴思靜晚下紫宸朝舊隱同溪遠周行隔品遙深

槐蟬唧唧微雨竹

集作疎
竹雨

蕭蕭不是相公懶煩君舉酒

瓢

奉和前司封蘇郎中喜嚴常侍蕭給事見訪驚

斑鬢之作

前人

遶鬢滄浪有幾莖
珥貂相問夕郎驚
祇應為酒微微變
不是因年漸漸生
東觀書成號良史
中臺官罷揖高名
即提彩筆裁天詔
誰得吟詩自在行

酬禮部李員外見寄

前人

本求山郡是閒居豈向郎官更有書溪石誰思玉匠愛
煙鴻願與弋人踈自來江上眠方穩舊在城中病悉除
唯見君詩難便捨寒宵吟到曉更初

酬盧侍御見寄

集作酬盧
汀諫議

前人

粟如流水帛如山衣食還君

集作夜
念倉邊

語笑間篇什縱橫

文案少親賓

集作
朋

撩亂吏人閒盃觴引滿從衣濕牆壁

狂書

集作
書多

任手頑遙賀來年三月盡

集作二
三月

綠衣先輩

過春闕

答韓湘

前人

疎散無世用為文乏天格把筆日不休忽忽有所得所得良自慰不求他人識子獨訪我來致詩過相飾君子無浮言此詩應亦直但慮憂我深鑒亦隨之惑子在名場中屢戰還屢北我無數子明端坐空歎息昨聞過春闈名繫吏部籍三十登高科前途浩難測詩人多峭冷如水在胃臆豈隨尋常人一作常人五藏為酒食朝來作酬章危坐吟到夕難為問其辭益愧滿紙黑

酬厲元

賈 島

我來從北鄙子省陟西陵白髮初相識秋山擬共登鄰
居帝城雨會宿御溝冰未報君

集作見

貽作耿耿中夜興

酬鄆縣李少府見寄

前 人

稍憐公事退復遇夕陽時北朔霜凝竹南山水入籬吟
懷滄海侶空問白雲師恨不相從去心惟野鶴知

酬姚校書

前 人

因貧行遠道得見舊交遊美酒一

集作易

傾盡好詩難卒

酬公堂朝共到私第夜相留不覺入關晚別來林木秋

酬胡遇

前人

麗句傳人口科名立可圖移居見山遶買樹帶巢鳥遊

遠風濤急吟情

集作清

雪月孤却思初識面仍未有多鬚

酬張籍王建

前人

疎林荒宅古坡前久住還因太守憐漸老更思深處隱

多閒數得上方眠鼠拋貧屋收田日鴈度寒江擬

一作撒

雪天身事龍鍾應是分水曹芸閣枉來篇

酬姚合

前人

黍穗豆苗侵古道晴原午後早秋時故人相憶曾來說
楊柳無風蟬滿枝

酬姚員外見過林下

釋無可

掃苔迎五馬蔬藥過中鍾鶴共林僧見雲隨野客逢入
樓山隔水滴旃露垂松日暮題詩去空知雅調濃

酬厲侍御秋中思歸樹石所居見寄

前人

三峰居接近數里躡雲行深去通仙境思歸厭宦名月
從高掌出泉向亂松鳴坐石眠霞侶秋來短褐成

奉和段著作山居呈同志三首次本韻

前人

香花懷道侶巾舄立雙童解印駕鴻內抽毫水石中履
溫行燒地衣赤動霞風又似朝天去諸僧不可同

二

官辭中秘府踈放野麋齊偃仰青霄近登臨白日低折

腰窺乳竇定足涉冰溪染翰揮嵐翠僧名幾處題

三


暫收丹陛跡獨往亂山居入雪知人遠眠雲覺俗虛足
垂巖頂石纓濯洞中渠只是僧酬答新歸絕壑書

奉和裴舍人春日杜城書事 前人

早晚辭綸綺觀農下杜西草新池似鏡麥暖土如泥鷄
鷺依川息驂騑向野嘶春來詩更苦松韻亦含悽

晚秋酌姚侍御見寄 前人

新命起高眠江湖思浩然木衰猶有菊燕去即無蟬分
察千官內孤懷遠岳邊蕭條人外寺睽阻復經年



文苑英華卷二百四十五

欽定四庫全書

集部

文苑英華卷二百四十六至
五十一

詳校官太僕寺少卿臣李廷欽

助教臣常循覆勘

總校官進士臣朱鈺

校對官中書臣秦泉

謄錄監生臣畢所輯

欽定四庫全書

文苑英華卷二百四十六

宋 李昉等 編

酬和七

劉得仁三首

周賀一首

溫庭筠二首

張祜一首

杜牧三首

許渾三首

雍陶一首

薛逢二首

李商隱三首

姚鵠三首

項斯二首

趙嘏四首

馬戴三首

李洞一首

薛能二首

喻坦之一首

李頻六首

皮日休三首

陸龜蒙三首

鄭谷三首

羅隱五首

春日酬韋先輩雨後見寄

劉得仁

風散五更雨鳥啼三月春
軒窓透初日硯席斷纖塵
箇

箇峰頭出家家樹色新
憐君高且靜有句寄閒人

夏日通濟里居酬諸輩見訪

二字集作寄訪之什

劉得仁

君子遠相尋
聯鑣到弊林
有詩難疾和
無酒可徐

一作賒

斟門列

集作對

晴峰色堂開
古木陰何因
駐清聽唯恐日

西沉

通濟里居酬盧肇見尋不遇

前人

衡門掩綠苔
樹下絕塵埃
偶赴高僧約
旋知長者來
雲

山堪眺望車馬必徘徊問以何為待

集作何以為相得

慙無酒

一盃

酬朱慶餘

已見二百三十一卷

周賀

和段少常柯古

溫庭筠

見集本

稱觴慙座客懷刺即門人
素尚寧知貴清談不厭貧野
梅江上晚堤柳雨中春未報
淮南詔何勞問白蘋

和友人題壁

前人

冲尚猶來出範圍肯將經濟

一作世

作風徽三台位缺嚴

陵卧百戰功高范蠡歸剩欲一名添集作自欲一鳴驚鶴寢不

應孤憤學牛衣西州未有看碁暇澗戶何因集作得掩

扉

酬鄭模一作司直見寄

張祐

故人滄海曲聊復話平生喜是狂奴態羞為老婢聲官途終日薄身事一作計長年輕猶賴書千卷長隨一棹行

奉和門下相公送西川相公兼領相印出鎮全

蜀詩十八韻

杜牧

盛業冠伊唐台階翊戴光無私天雨露有截舜衣裳蜀
輟新衡鏡池留舊鳳同心真石友寫恨茂一作河梁

虎騎搖風旆貂冠韻水蒼彤弓隨武庫金印逐文房棧

壓嘉陵咽峰橫劔閣長前驅二星去開險五丁忙迴首

崢嶸盡連天草樹芳丹心懸魏闕往事愴甘棠治化輕

諸葛威聲懾夜郎君平教說卦天子召升堂塞接西川

一作雪橋維萬里檣奪霞江錦爛撲地酒爐香黍逐三

千客曾依數仞牆滯頑堪白首集作攀附亦周行肉管

伶倫曲簫韶清廟章唱高知寡和小子斐然狂

奉和僕射相公聖德和平致茲休運歲終功就

合詠盛明謹呈三相公

已見一百六十一卷

杜牧

酬張祜處士見寄

前人

七子論詩誰似公曹劉須在指揮中薦衡昔日知文舉
乞火何人作蒯通北極樓臺長挂夢西江波浪遠吞空
可憐故國三千里虛唱歌詞滿六宮

酬杜甫補闕初春雨中泛舟次橫江喜裴郎中

相迎見寄

許渾

江館維舟為庾公暖波微漾

集作
漾

雨濛濛紅橋

集作
牆

迤

灑春巖下朱旆聯翩曉樹中柳滴圓紋生細浪梅含香
艷吐輕風郢歌莫問青山吏魚在深池鳥在籠

和常秀才寄簡歸州鄭使君借猿

前人

謝守攜猿東路長
裊藤穿竹似瀟湘
碧山初暝嘯秋月

紅樹生寒啼曉霜陌上楚人皆駐馬里中巴客半歸鄉
心知欲借南遊侶未到三聲恐斷腸

奉酬郭二十三

六字集作
酬少府

先輩奉使延勞

集作
巡勞

見寄兼呈長官之什

四字集作
裴明府

前人

載書攜酒

集作
榼

別池籠十幅輕帆處處通謝朓宅深

集作

荒山翠裏王敦城古月明中江村夜漲浮天水澤國秋

生動地風飽食鱸魚歸榜棹

集作榜
歸揖

待君琴酒醉陶公

酬祕書王丞見寄

雍陶

朝下有閒思南溝邊水行因來見寥落轉自歎平生白
首丈夫氣赤心知己情留詩本相慰却憶苦吟聲

奉和僕射相公送東川李支使歸使府夏侯相

公

薛逢

兩地交通布政和上台深喜使星過歡留白日千鍾酒
調入青雲一曲歌寒柳翠添微雨重臘梅香綻細枝多
平津萬一言卑散莫忘高松寄女蘿

席上酌東川嚴中丞叙舊見贈

前人

昔記披雲日今逾二十年
聲名俱是夢恩舊半歸泉
朱紱慙衰齒紅粧慘別筵
離歌正淒切休更促危絃

酌別令狐八補闕

李商隱

見集本

惜別夏仍半迴塗秋已期
那修直諫草更賦贈行詩
錦段知無報青萍肯見疑
人一作吾生有通塞公等繫安危
警露鶴辭侶吸風蟬抱枝
彈冠如不問又到掃門時

和令狐八綯戲題

集作和友
戲贈

二首

前人

東望華樓事

集作花
樓會

不同西來雙燕信
休通仙人掌冷

三霄露玉女窻虛午

集作
五

夜風翠袖自隨迴
雪駐

集作
轉

獨房尋類外庭空
慙懃莫使清香透
牢合金魚鑲桂叢

二

迢遞清

一作
春

門有幾闌柳梢樓閣見
南山明珠可貫須

為珮白璧堪裁且作環
子夜休歌團扇掩
新正未破剪

刀閨猿啼鶴望

集作怨

終年事未抵爐香

集作熏爐

一夕間

奉和祕監從翁夏日陝州河亭晚望

姚鵬

洪河何處望一境在孤煙極野如藍日長波似鏡年捲
簾花影裏倚檻鶴巢邊霞焰侵旂旆灘聲雜管絃鐘微
來疊岫帆遠落遙天過客多相指應疑會水仙

和陝州叅軍李通微首夏書懷呈同寮張裳段

羣二先輩

前人

公門何事更相牽
邵伯憂賢任養閒
滿院落花從覆地
半簷初日未開闌
尋仙鄭谷煙霞遠
避暑何亭樹石間
獨為高懷誰繼和
掾曹同處桂同攀

和工部楊尚書重送約句 前人

桂枝攀得獻庭闈
何似空懷楚客集作橋歸控集作好扶

搖早迴首人人思看大鵬飛

和李中丞醉中期王徵君月夜同遊瀝水舊居

項斯

醉後情俱遠難忘素澹間照花深處月當戶舊時山事
想同清話歡期一破顏風流還愛竹此夜尚思閒

酬從叔聽夜泉見寄

前人

夢罷更開戶寒泉聲隔雲共誰尋最遠獨自坐偏聞巖
際和風滴溪中泛月分豈知當此夜流念到江濱

陪崔璞侍御和崔珣春日有懷

趙嘏

詩家本多感况值廣陵春暖駐含窻日香餘醉袖塵浮

名皆有分笑最闌身自此容依託清才兩故人

和令狐補闕春日獨遊西街 前人

左掖初辭近侍班馬嘶尋得過街聞映鞭柳色微遮水
隨一作步花枝欲礙山暖泛鳥聲來席上醉從詩句落
人間此時失意哀吟客更覺風流不可攀

廣陵答崔琛

前人

棹倚隋家舊院牆柳金梅雪撲簷香朱樓映日重重晚
碧水含光灑灑長八斗已聞傳姓字一枝何足計行藏

聲名官職應前定且把旌麾

一作紅旌入醉鄉

答友人

前人

詩家才子酒家仙遊宦曾依積水邊
窻戶動搖三島樹琴樽安穩五湖船
羅浮道士分瓊液錦席佳人艷楚蓮
今日相逢朗吟罷滿城砧杵一燈前

答光州王使君

馬戴

信來淮上郡楚岫

一作紆

入秦雲自顧為儒者何由答使

君蛻風蟬乍失阻雨鴈頻聞欲識平生分
他時別紀勲

酬太原從事楊郎中見寄

集作
贈別

前人

君將

集作
若枉

海月珮贈之光我行見知言不淺懷報意非

輕反照臨岐思中年未達情河梁人送別秋漢鴈相鳴
衰柳搖邊吹寒雲冒古城西遊還獻賦應許託平生

酬李景章先輩

前人

平生詩句忝多同不得陪君奉至公金鎬自宜先中鵠
鈎刀甘且學雕蟲鶯啼細柳臨關路燕接飛花遶漢宮

九陌芳非人競賞此時心在別離中

和兵部永崇侍郎勾筵茶席 李 洞

落葉濺吟身會棊雲雪

一作外

人海枯搜不盡天在下長

新月上分題徧鍾殘布子勻忘機二高客絕意任陶鈞

郊居答客

薛 能

傍舍蟲聲滿殘秋宿雨村遠勞之子騎先顧野人門敗
藥盤空蔓彫藜露暗根相攜語未盡川月照黃昏

酬泗州韋中丞涌上日寄贈蕪次本韻

前人

魯儒相悟欲成空學盡文章不見功官自掖垣飄海上
鎮從隋岸入山中嘗遭火發瞿曇宅爭得天如老氏弓
何意杜陵懷寶客也隨迷路出關東

和范祕書宿省中作

喻坦之

清省宜寒夜仙才稱獨吟鍾來宮轉漏月過閣移陰鶴
避燈前靜芸高幄外深想知因此興暫動憶山心

和苑

一作范

鄭先輩話襄陽遊

李頻

聽說揚帆曲初從峴首還高吟入白浪遙坐出青山古
木猿啼爽空汀鶴立閒秋來南去夢幾夜過商關

酬姚覃

前人

不見又相招何曾許寂寥醉眠春草長閒坐夜燈銷淚
墮思山切身歸轉海遙年年送別處楊柳少長條

九衢春日酬范祕書

前人

九衢行一匝不敢入他門累日非無事通宵得盡言命
嗟清世蹇春覺閏冬溫反覆吟佳句何啻國士恩

黔中酬同院韋判官

前人

平生同所為相識偶然遲
冬著青袍後無歸白社期
江流來絕域府地管諸夷
聖代都無事從公但賦詩

長安僻居酬人

前人

豈得有詩名徒為老帝京
關中秋氣早雨後夜涼生
滄海身終汎青門路已行
吟君一句意又見故人情

答韓中丞容不飲酒

前人

老大成名仍足病強聽絲竹亦無歡
高情太守容閒坐

借與青山盡日看

江南道中酬茅山廣文南陽博士三首

皮日休

寒嵐依約認華陽
遙想高人卧草堂
半日始齋青餽飯
移時空印白檀香
鶴雛入夜歸雲屋
乳管逢春落石床
誰道夫君無伴侶
不離窻下見羲皇

以下六篇並見松陵集

二

住在華陽第八天
望君惟欲結良緣
堂扃洞裏千秋鴈

集作燕

厨盖巖根數井

一作斗

泉壇上古松疑度世觀中幽

鳥恐成仙不知何事迎新歲烏衲裘中一覺眠

三

五色香煙惹内文

許遠遊燒香煙五色

石飴初熟酒微

集作初

醺將

開丹竈那妨

集作防

鶴欲算碁圖却望雲海氣半生當洞

見暴水初坼隔山聞如何世外無交者

許遠遊與王羲之父子為世外

之交一卧金壇祗有君

依韻和三首

集作奉和次韻

陸龜蒙

一片輕帆佩集作背

夕陽望三峰拜七真堂天寒夜激雲

牙淨雪壞

集作壞

晴梳石髮香自拂煙霞安筆格獨開封

檢試砂床莫言洞府能招隱會輾飈輪見玉皇

二

壺中行坐可攜天何況林間息萬緣組綬任垂三品石

珮環從落四公泉丹臺已運陰陽氣

集作火

碧簡須調集作

雕次第仙

廣陽集作文王季猶在場中

想得雷平春色動玉

集作五

芝

煙草

集作甲

又芋眠

三

良常應不動移文金醴從酸亦自醺

蓬萊公洛廣休以金醴四升待主簿

主簿恨其味酸也

桂父舊歌飛絳雪桐孫遺韻倚玄雲春臨柳

谷鷺先覺曙醺靈蕪

集作蕪香

鶴共聞珍重雙雙玉條脫盡

憑三島寄羊君

酬王駕校書山居忽聞結綬見寄之什

鄭谷

直應歸諫署方肯別山村勤苦常同業孤單共感恩醉

披仙鶴氅唵扣野僧門夢見君高趣天涼自灌園

次韻和禮部盧郎中極江上秋夕寓懷

前人

望郎到處覺風生蜀郡留連亞相情亂後江山悲庾信
夜來煙月屬袁宏亭歸蘭省寒星動吟向莎州宿鷺

集作

鳥驚未脫白衣頭半白叨陪屬和倍為榮

寄前

集作前寄

左省張起居一百言尋蒙唱酬見譽

過實却用舊韻重答

前人

減瘦經多難憂傷集晚年吟高風過樹坐久夜涼天旅
退慙隨衆孤飛怯向前釣朋蓑叟在藥術衲僧傳鬢禿
趨榮路腸焦鄙盜泉品徒誠有隔酬唱意何堅寒地殊
知感秋燈最不眠從來甘默爾自此倍怡然蘭為官須
握蒲因學更編豫愁搖落後子美笑無羶

杜工部贈鄭
廣文詩云科

名四十年坐
客寒無羶

酌高崇節

羅隱

舊遊雖一夢別緒忽千般敗草湯陵晚衰槐楚寺寒數

竒常自愧時薄欲何干猶賴君相勉慙慙貢禹冠

廣陵秋日酬進士臧濟見寄 前人

驛西斜日滿窻前獨凭秋窻集作思渺綿集作數尺斷

蓬慙故國一輪清鏡泣流年已知世事真徒爾縱有心

期亦偶然集作空媿荀家好兄弟鴈來魚去是因緣

秋日汴州集作客舍有酬二字集作

前人

梁宋追遊早歲同偶然為集作別事皆空年如流水催

何急道似危途動即窮醉舞且欣連夜月狂吟還聚一

集作樓風煩君更枉騷人句白鳳靈蛇滿篋集作中

縣齋秋晚酬友人朱瓚見寄 前人

中秋節後捧瓊瑰坐讀行吟數月來只歎雕龍方擅價
不知頽鯉竟空迴千枝白露陶潛柳百尺黃金郭隗臺
惆悵報君無玉案水天東望一徘徊

酬丘光庭

前人

正月十一日書札五月十六日到來柳吟秦望咫尺地

鯉魚何處閒徘徊
故人情意未踈索
次第序述眉眼開
上言二年隔煙水
下有數幅真瓊瑰
行吟坐讀口不倦
瀑泉激射琅玕摧
壁池蘭蕙日已老
村酒蘸甲時幾盃
鶴齡鴻算一作浙
不復見雨後蓑笠空
莓苔自從黃寇擾
中土人心波蕩猶未迴
道殷合眼拜九列
張濬掉舌升三台
朝廷濟濟百揆序
寧將對面容姦回
禍生有基妖有漸
翠華西幸蒙塵埃
三川梗塞兩河關
大明宮殿生蒿萊
懦夫早歲不量力
策蹇仰北高崔嵬
千門萬戶局

鑠密良匠不肯雕散材君今得意尚如此况我麋鹿悠
悠哉榮衰貴賤目所覩莫嫌頭白黃金臺

文苑英華卷二百四十六

欽定四庫全書

文苑英華卷二百四十七 宋 李昉等 編

寄贈一

梁簡文帝一首 江淹一首

范雲一首 吳筠十首

何遜一首 王僧孺一首

柳惲三首 朱超一首

劉孝綽三首 陸倕一首

蕭子雲一首

朱异一首

荀濟一首

庾信一首

江總三首

贈張纘

梁簡文帝

儀表咸推挹牆仞難窺踐既富垂帷學復折波濤辯綺
思暖霞飛清文煥颺轉朱旗赫容與雕祭紛曠煜波搖
白鱧舟風動蒼鴈類聚作鷹舳九疑勢參差江天相蔽虧三
春澧浦葉九月洞庭枝洞庭枝裊娜澧浦葉參差芬芳

與搖落俱應相別離

貽袁常侍

江淹

昔我別楚水秋月麗秋天今君客吳坂春日媚春泉幽
冀生碧草沅湘含翠烟鑠鑠霞上景悄悄雲外山涉江竟

何望

一作事

留滯空採蓮

贈沈左衛

范雲

伊昔霑嘉惠出入承明宮遊息萬年下經過九龍中越

鳥憎北樹胡馬畏南風願言反

類聚作友

漁蓑

他苗切蓑也

津梁

肯與通

贈周散騎興嗣三首

吳筠

子雲好飲酒家在成都縣製賦已百篇彈琴復千轉敬
通不當豪相如本貧賤共作失職人包山一相見

二

孺子賤而貧且非席上珍唯安萊蕪甌蕪慕林宗巾百
年逢繾綣千里遇慇懃願持江南蕙以贈生芻人

三

吾賢當路者聲名振華夏朱輪玳瑁牛紫鞵連錢馬朝

花舞風去夜月窺窻下想君貴易朋居然應見捨

集本有此

長韻一首與前詩間有同處今全錄于此孺子貧而
賤且非席上珍唯安萊蕪甑煎慕林宗巾百年逢繼
緒千里遇慙慙願持江南蕙以贈生芻人思君欲何
言中心亂如霧淚下非一端愁來誰有數子為馮敬
通不減汲長孺千里無闕梁安得王喬屨與君初相
知不言異一宿意欲褰衣裳陰雲亂人目之子伏高
卧伊予空杼軸無由度淇水見此漪漪竹默然思公
子終自不敢言青松蔽南隴白雲生北園沉憂無人
語默念空憑軒安得
空持劔以報相知恩

贈任黃門二首

前人

相如體英彥左右生容暉已紆漢帝組復解梁王衣經
過雲母扇出入千門扉連洲茂杜若類聚作芳杜長山鬱翠
微欲言終未敢徒然獨依依

二

紛吾少馳騁自來之

疑作

名德白玉鏤衢鞍黃金馬腦

勒射鵠靈丘下驅馬

一作

鴈門北慙慙盡日華留連窮

景黑歲暮竟無成憂來坐默默

贈王桂陽

前人

松生數寸時遂為草所沒未見籠雲心誰知負霜骨弱
幹可摧殘纖莖易凌忽何當數千尺為君覆明月

遙贈周丞

前人

巨石亂天涯雜樹鬱參差伯魯留蜀郡長房還葛陂練
練波中月亭亭雲上枝高岑蔽人者無處得相知

贈柳秘書

前人

薜蘿與丹桂竒心復竒骨已蔽蒼龍門又影鳳凰闕紫
雲依夜來清風扶晚發鴛鴦若上天寄聲謝明月

贈柳貞陽

前人

王孫清且貴築室

疑

芙蓉池羅生君子樹雜種女貞枝

南窻帖雲母北戶映琉璃街書轆轤鳳坐水玉盤螭朝
衣茱萸錦夜覆葡萄卮聯翻驂赤兔窈窕駕青驪龍泉
甚鳴利如何獨不知

贈朱從事

前人

我行欲何之千里尋膠漆長葭歷渚生踈蒲緣岸出裊
裊能隨風離離堪度日客思已飄蕩相思復非一未得

幸慙慙先作數行泣

日夕望江贈魚司馬

何遜

湓城帶湓水湓水縈如帶日夕望高樓

一作城

耿耿青雲

外城中多宴賞絲竹常繁會管聲已流
悅絃聲復淒切歌黛慘如愁舞腰疑欲絕
仲秋黃葉下長風正騷屑早鴈出雲歸
故鶯辭簷別畫悲在異鄉夜夢還洛汭
洛汭何悠悠起望登西樓的的帆向浦
團團月隱洲誰能一羽化輕舉逐飛浮

贈顧倉曹

王僧孺

雒陽十二門樓闕似西崑暖暖呆恩下相望隔畫垣畫

垣向阿閣棲鳳復棲鴛

一作阿閣
樓鳳鴛

五曹均趨奏六尚等

便煩朝爐何馥馥夜錦有餘溫日中驅上駟驥首遍京

宛晨趨魏公子夕宿韓王孫宿昔今何在平生棄不論

譬如卷菴草心謝葉空存誰傷

類聚
作復

三承暝獨念九飛

魂

贈吳均三首

柳惲

寒雲晦滄洲奔潮溢南浦相思白露亭永望秋風渚心
知別路長不謂若燕楚關候日遼絕如何一作何因附行旅
願作野飛鳥飄然自輕舉

二

遠遊濟伊洛秣馬度清漳邯鄲饒美女艷色含春芳鼓
瑟未成曲踏履類聚作復翱翔我本遊客子情愛在淮

陽新知誰不樂念舊苦人腸

三

夕宿飛弧

疑作孤

關晨登磧礫坂形為戎馬倦思逐征旗

遠邊城秋霰來寒鄉春風晚始信隴雪輕漸覺寒雲卷
徭役命所當念予加食飯

贈王僧辯

朱超

故人總連率方舟下漢池玉節交橫映金鏡前後吹聚
圖匡漢業傾產救韓危昔時明月夜蔭羽切高枝冲天
勢已遠控地力先疲各言獻捷後幾處泣生離

歸沐呈任中丞昉

時為著作郎

劉孝綽

步出金華省還望承明廬壯哉宛洛地佳麗寶皇居虹
蜺拖飛閣蘭芷覆清渠圓淵倒荷芰方鏡寫簪裾白雲
夏峰盡青槐秋葉疎自我從人爵蟾兔屢盈虛殺青徒
已汗司舉未云書文昌愧通籍臨邛幸第如夫君多敬
愛蟠木濫吹噓時時釋簿領駟駕入吾廬自嗤誠砮砮
無以儷璠璣但願長閒暇酌醴薦焚類聚作魚
焚枯

古意送沈宏

已見一
百五卷

劉孝綽

江津寄劉之遴

前人

與子如黃鵠將別復徘徊經過一柱觀出入三休臺

集作

靈臺共摘雲氣藻同舉霞文孟佳人每曉逝

集作遊

禁門恒

晚開欲寄一言別高駕何由來

以詩代書別後寄贈

陸倕

余本水鄉士閉門江海隅時逢世道泰蹇足步高衢名

成官雖立效功日漸踈

一作功日踈

入仕乘肥馬出守擁

高車闕門遊昔吏遷亭有故書江派資賢牧宗英出建

旗不勞王布鼓無賴露田車弼政非責實求名已課虛

長卿病猶在脩齡疾未祛詎知亭長肉寧挂府丞魚不能未能止內訟慙諸已僂俛從王事纚舟出淮泗朋故遠追尋暄宿清江陰明日一分手翻飛各異林歸舟隨岸曲猶聞歌棹音行者日迢遠誰見別離心夕次冽洲岸明登慈姥岑水流多迴復余歸良未尋江關寒事早夜露傷秋草心屬姑蘇臺目送邯鄲道葦日蒼蒼親知慎早涼劉兄消渴病休攝戒無良殷弟癩眩疾行止避風霜劉侯有餘冷宜餌陟釐方伏子多風咳門冬幸易

將率更愛雅體體弱思自強吏曹勉玉潤諷議勗金相

比部多暇日奚用肆龍章建德何為者無隋疑無人鄉

記室朋從暇露蛄附行商議曹坐朝罷尺板嗣徽疑芳

雙棲成獨宿俱飛忽異翔眷言思親友沉思結中腸追

惟疇昔時朝府多歡暇薄暮塵埃靜飛蓋遙相迓李郭

或同舟潘夏時方駕娛談終美景敷文永清夜促膝豈

異人戚戚皆朋婭今日一乖離漼然心事差山川望猶

近便似隔天涯玉躬子加護昭質余未虧八行思息勉

一札望來儀

贈吳筠

蕭子雲

欲知健少年本年最輕黠
綠沉弓項縱紫艾刀橫拔
誰持命要寵寧知敵可殺
有功終不言明君自應察

還東田宅贈朋離

朱 异

應生背芒說石子河阿

一作陽

文雖有遨遊美終非沮溺

羣日余今卜築兼以隔囂
紛池入東陂水窻引北巖
雲

謹離

疑作籬

集田鶩茅簷帶野氛
原隰何邈迤山澤共氛

氤蒼蒼松樹合耿耿樵路分朝興候崖曉暮坐極林曛
憑高眺虹蜺臨下瞰耕耘豈直娛衰暮坐極林曛憑此
與上同疑有誤懷勞猶未弭獨有望夫君

贈陰涼州

荀濟

副尉西域迤伏波南海還坎壈多難構鬱快少騰遷孰
云功未立寧是契不全直為逢迎寡良由聽受偏若人
本高絕芬馥邁蘭荃驅車趨折坂匡坐酌貪泉洗憤一作
瀆
豈虛唱席皮良信然羣醉嫉孤醒衆嗤恐獨妍龍旗

翻委鬱鷁軸更迴遑鷗勢終橫海鵬力會冲天昔余遇
知已一面深千祀紆人重結襪辱德逾過市詩酒悅風
雲琴歌賞桃李淹留漢水曲契闊渝川涘結綬唯貢公
推名實鮑子徒然懷伏劍終無報國士高懷不可忘劍
意何能已已作金蘭契何言雲雨別吐嗟改容鬢俄頃
彌年歲海曲窮地表江源渺天際雲泥已殊路暄涼詎
同節柳絮函如絲梅花屢成雪月落桂陰遠風起萱條
結鶴舞想低昂鷗絃夢清切聞君戍靈關瓜時猶未還

數汎明月沼頻遊尚

一作當

日灣金碧應髣髴輪鏡幾登

攀復承西歸後將兵出湖口經過道路長往來日月久

玉體何容歇金漿故應有陽臺可讌私章華堪置酒既

彈趙人瑟復擊秦人缶缶瑟多竒調秦趙饒姝妙得意

在雙眸傾城猶一笑伯喈恩實早十柱天終少歿等盛

姬傷存同魏車照君子篤久要宿昔盛賓僚依依集鱗

羽眷眷共枝條一朝限岐路萬里異波潮容儀雖渺渺

夢想尚昭昭新人不相識故人詎相憶杳杳間山川迢

迢阻意

疑作音

息各附青雲遠詎假排虛力風月接歡宴

酒醴承顏色安知暮儔者潺潺涕沾軾僕本不平人悲
愁眉亦頻年來空自老歲去不知春未能全體命於中
欲問津五噫如適越十上似遊秦肌膚積雲露膂力倦
風塵烏表日日故白髮朝朝新人生感意氣相知無富
貴懷趙實廉頗思燕唯樂毅博選咆咻士廣慕嫖姚尉
映月比刀環瞻星看劍氣郢路一超遠長楸幾歔歔
泮水尚寬崦嵫日猶未丈夫志四海兒女多辭費待余

濟濁河從君宿清渭

贈司寇淮南公

庾信

危邦久亂德天策始乘機九河聞誓衆千里見連旂
號亡垂棘返齊平寶鼎歸久弊風塵俗殊勞闕塞衣絆
驥還千里垂鵬更九飛猶憐馬齒進應念節旄稀迴軒
入故里園柳始依依舊竹侵行一作何徑新桐益幾圍寒谷
梨應重秋林粟更肥美酒還參聖雕文本入微促歌迎
趙瑟遊絃名楚妃小人司刺舉明教實濫吹南部治都

尉軍謀假建威商山隱士宅丹水鳳凰磯野亭長被馬
山城早掩扉傳呼擁絳節交戟映彤闈遂令忘楚操何
但食周薇三十六水變四十九條非丹竈風煙歇年齡
蒲柳衰同僚敢不盡疇日懼難追

貽孔中丞真

江總

我行五嶺表辭鄉

初學記
作鄉

二十年聞鴛欲動詠披霧即

依然疇昔同寮家

初學記
作今

隨年代改借問藏書處唯

君故人在故人名宦高霜簡肅權豪誰知懷九歎徒然

泣二毛步出東郊望心游江海上寓物便今古何為不
惆悵初晴原野開宿雨潤條枚叢花曙後發一鳥霧中
來淹留蘭蕙苑吟嘯芳菲晚忘懷靜躁間自覺風塵遠
白社聊可依青山乍採薇鍾茅乃得性語默豈同歸

鍾茅

集作
鍾茅

遇長安使寄裴尚書

江總

傳聞合浦葉遠向洛陽飛北風尚嘶馬南冠獨不歸去
人目徒送離琴手自揮秋蓬失處所春草屢芳菲太息

關山月風塵客子衣

贈賀左丞蕭舍人

江總

輜軒通八表旌節驚三秦聽歌酬敏對繼好佇行人賀
生思沉鬱蕭弟學紛綸共有筆端譽皆為席上珍離羣
徒悄悄征旅日駉駉黃河分太史一曲悲千里海內平
生親中朝流寓士痛哉憫梁昨於焉三十祀鍾儀繫不
歸盛憲悲何已隴頭心斷絕爾為叅生死迴首望長安
猶如蜀道難函關分地軸華嶽按天壇行壇方境逝去

棹艤江干蘆花霜外白楓葉水前丹翔鷗方怯

怯一作下凍

落鴈不勝彈輝輝盛王道時務嬰疲老九流倦耳目千

一作十年變懷抱何以敦岐路淒然綴辭藻江南有桂枝

塞北無萱草斗酒未為別垂堂深自保

境逝

集作近

落鴈

集作鴈

千年變

集作千變年

文苑英華卷二百四十七

欽定四庫全書

文苑英華卷二百四十八 宋 李昉等 編

寄贈二

盧思道二首 楊素十七首

王胄二首 虞世基一首

陳子良一首 孫萬壽一首

陳政一首 王績二首

郭元振一首 蘇味道二首

贈劉儀同西聘

盧思道

開邛昔柔遠賓越盡招攜豈若馳天

一作天王

使玉節撫遺

黎五詞

疑作祠

臨渭北雙嶺帶峻西故關看金馬餘壇聽

寶雞垂絲被柳陌落錦覆桃蹊分袂俄易慘離思實

一作

忽難齋極野雲峯合遙嶂日輪低塵暗前旌沒風長後

騎嘶灞陵行可望函谷久無泥須君勞旋罷春草共萋

萋

贈李若

前人

初發清漳浦春草正萋萋今留素澹曲夏木已成蹊塵
起星橋外日落寶堽西庭空野煙合巢深夕羽迷短歌
雖製素長吟當執珪寄語當窻婦非關惜馬蹄

贈薛播州十四首

楊素

在昔天地閉品物屬屯蒙和平替王道哀怨結人風麟
傷世已季龍戰道將窮亂海飛羣水一作亂流貫日引
長虹干戈異革命揖讓非至公

二

兩河定寶鼎八水域神州函關絕無路京洛化為邱漳
淦連爾沼涇渭余別流生郊滿戎馬涉路起風牛班荆
疑莫遇贈縞竟無由

三

五緯連珠聚千載濁河清金亡潛虎質閨盡自蛙聲聖
期依旦暮天祿放炎精霧生三日重星飛五老輕禋宗
答上帝改物創羣生

四

道昏雖已朗政故猶未新剡舟洹水濟
一作淇水際結網大
川濱出遊迎釣叟入夢訪幽人植林雖各樹開榮豈異
春相逢一時泰共幸百年身

五

有帛賁邱園生芻自幽谷塵芳金馬路瀾清鳳池澳零
露既垂光清風復流穆傾蓋如舊知彈冠豈新沐利心
金谷斷芬言蘭共馥

六

自余歷端揆緝熙愨時彥及爾陪帷幄出納先天睠高
調發清音縟藻流餘絢或如彼金玉歲暮無凋變余松
待爾心爾筠留我箭

七

荏苒積歲時契闊同遊處閭闔既趨朝承明還宴語上
林陪羽獵甘泉待清暑迎風含暑氣飛雨淒寒序相顧
惜寸陰留情共延佇

八

滔滔彼江漢實為南國紀作牧求明德若人應斯美高
卧未褰帷飛聲已千里還望白雲天日暮秋風起峴山
君儻遊淚落應無已

九

漢陰政已成嶺表人猶蠹借寇北方新還珠摠如故楚
人結去思越俗歌來暮陽烏尚歸飛別鶴還迴顧君見
南枝巢應思北風路

十

北風吹故林秋聲不可聽
鴈飛窮海寒鶴唳霜臯淨
含毫心未傳聞音路猶夏
唯有孤城月徘徊獨臨映
吊影余自憐安知我疲病

十一

養病願歸閑居榮在知足
棲遲茂陵下優游滄海曲
古人情可見今人一作我遵路一作故躅
荒居接野窮心物俱非俗
桂樹方叢生山幽竟何欲

十二

所欲棲一枝稟分豐疑諸已園樹避鳴蟬山梁遇時雉

野陰冒叢灌幽氣含蘭芷悲哉暮秋別

一作晨霞
既悲哉

春一作

暮草復萋矣鳴琴久不聞屬聽空流水

十三

秋水魚遊日春樹鳥鳴時濠梁莫共往幽谷有相思千
里悲無駕一見杳難期山河散瓊蘂庭樹下丹滋物華
不相待遲暮有餘悲

十四

街悲向南浦寒色黯沉沉風起洞庭險煙生雲夢深獨
飛時慕侶寡和乍孤音木落悲時暮時暮感離心離心
多苦調詎假雍門琴

贈薛內史

楊素

耿耿不能寐京洛久離羣橫琴還獨坐停盃遂待君待
君春草歇獨坐秋風發朝朝唯落花夜夜空明月明月
徒流光落花空自芳別離望南浦相思在漢陽漢陽隔
隴岑南浦達桂林山川雖未遠無由得寄音

山齋獨坐贈薛內史二首 前 人

居山四望阻風雲竟朝夕深溪橫古樹空巖卧幽石日

出遠

一作孤岫

明鳥散空林寂蘭庭動幽氣竹室生虛白

落花入戶飛細草當階積桂酒徒盈罇故人不在席薄
暮山之幽臨風望羽客

二

巖壑清澄景景清巖壑深白雲飛暮色綠水激清音澗
戶散餘彩山窻凝宿陰花草共榮映樹石相陵臨獨坐

對陳榻無客有鳴琴寂寂幽山裏誰知無悶心

為寒牀婦贈夫歸

王 冑

月淨閨偏冷更深夜轉長霜紈猶掩扇霧縠未飄香
解帶慙連理引被媿鴛鴦誰能未相識還為守空牀

言反江陽寓目灞浹贈易州陸司馬

王 冑

遊人賣藥罷徐步反江干行吟

一作凝眸

灞陵岸迴首望長

安晨華照城闕參差復鬱盤千門含日麗萬雉映霞丹

雲開承露掌吹動相風竿遊童輕薄少鮮服鷓鴣冠花
開傅粉晏塵起副車韓屢投雙飛劍曾操兩色九桂玉
要遊女彈珠落矯翰信美非吾樂何事久盤桓欲勒一作

動南征

一作登

詠還謠北上難眷言思故友德疑遠路漫漫

燕陲望楚服天際與雲端棹發吳濤上荆歌易水寒十
年阻風月萬里別金蘭心期竟何許懷抱日摧殘容華
冉冉謝衣帶朝朝寬盛憲寧延壽劉琨自少歡宿昔均
取捨同波豈異瀾贈言不盡意擲筆起長嘆

秋日贈王中舍

虞世基

秦關望吳苑，渭渚去江濱。
天漢星躔絕，山川地角分。
百年變朝市，千里異風雲。
雙鴛難可贈，別鶴不相聞。
忽值從遊士，玳簪光素履。
歡言悅鄭郊，雪泣悲燕市。
契闊論談笑，慙慙訪生死。
思君在一方，無由同四美。
尺素乃云披，投瓊慰九離。
雲開縹錦散，霞照綠楊緹。
一作披相思歎
河廣相望阻，天垂贈言芳。
杜若握手一作以代萱枝，伊昔風期早。
金蘭信為寶，去來金馬門。
留連鬪雞道，鷲嶺訪

三禪商山追四皓勝地俱遊息披文述論討虛薄忝官

聯喬木遂同遷濯纓奔博望閣

一作飛

步入崇賢高軒照

流水長劍聳秋蓮南風忽不競東海遂成田喧喧狹斜

路隱隱平陵樹鳳闕愛疑西臨星橋耿南注五方多異

俗四海皆行路士衡嗟苦辛德璉傷流寓鞏洛重行行

寓目盡傷情太行臨北絳函谷拒西京雀書圖久滅龍

文鼎遂輕凌雲餘構盡濛汜曲池傾

一作平

徘徊殊未極

惆悵空雲纓伊川忽會面留連展言宴東西一背飛翻

然成異縣哀哉人道促痛矣嗟埋玉徐生顧影琴裴子

飄鳳燭權

疑作推

茲激水意頓此浮雲足棄置忽疑作勿重

陳難終唯此曲漢陽趙元淑

後漢趙一字元淑漢陽人今作淑恐非

薛縣

雍門周清文寧解鬢妙曲反增愁翳翳神逾伏慄慄歲方適雙嶠飛暗雨八水凍寒流蘭枯芳草歇槐古憶前

秋江干不可望徒此歎離憂

讚德上越國公楊素

陳子良

君侯稱上宰命世挺才英本超騏驥足復蘊風雲情攄

藻拔錦綺育德潤瑶瓊已踵四知舉非無三傑名濟世
同舟楫匡政本阿衡雍容入青瑩肅穆侍丹楹桂宮擅
鳴珮槐路獨飛纓高門羅虎戟綺閣麗彫甍金罇酌湛
湛歌扇掩盈盈匈奴軼燕薊烽火照幽并天子命薄伐
受賑事專征七德播雄畧十萬騁行兵鴈行蔽虜甸魚
貫出長城交河方飲馬瀚海盛揚旌拔劍倚天外象犀
耀日精彎弧穿伏石揮戈斬大鯨鼓鼙朝作氣刁斗夜
便鳴六郡多壯士三邊豈足平嶺雲朝合陣山月夜臨

營胡塵暗馬色芳樹動笳聲關雲未盡散塞霧常自生
川長蔓草綠峰迴雜花明小人愧王氏雕文慙馬卿濫
此叨書記何以謝過榮高山徒仰止終是恨才輕

遠戍江南寄京邑親友

孫萬壽

賈誼長沙國屈原

隋書本傳作平

湘水濱江

一作東

南瘴癘地從

來多逐臣粵余非巧官少小

一作策少

拙謀身欲飛無假翼

思鳴不值晨誰言

隋書作如何

載筆士翻作負戈人飄飄如

木偶棄置同芻狗失路乃西浮非狂亦東走晚歲出函

關方春度京口石城臨虎據天津望牛斗牛斗盛妖氛
梟獍已成羣郝超初入幕王粲始從軍裹糧楚山際被
甲吳江瀆吳江亦浩蕩楚山何糾紛驚波上濺日喬木
下臨雲繫越恒資辯喻蜀幾飛文魯連唯救患唐彬不

競勤

晉書唐彬知孫皓將至遲留以示不競今隋書作吾彥不爭勲按吾彥乃降將本傳無不爭功事未

詳羈遊歲月久歸思常搔首非關不樹萱豈為無杯酒

數載辭鄉縣三秋別親友壯志後風雲衰鬢先蒲柳心
緒亂如絲空懷疇昔時昔時遊帝里弱歲逢知己旅食

南館中飛蓋西園裏河間本好書東平唯愛士英辯接

天人歡娛承帝子

隋書作清言洞名理

鳳池時寓直麟閣嘗遊止

勝地盛賓僚麗景相攜招舟泛昆明水騎指渭津橋袂

除臨灞岸供帳出東郊宜城醞始熟陽翟曲新調遶樹

鳥啼夜雉麥雉飛朝細塵梁下落長袖掌中嬌留連三

雅至

隋書作懼娛三樂至

懷抱百憂銷夢想獨非

隋書作猶知

昨尋思

久寂寥一朝牽世網萬里逐波潮迴輪常自轉懸旌不

堪搔山川想

隋書作登高視

襟帶鄉關白雲外迴首望孤城愁

人益不平華亭宵鶴唳函

隋書
作出

谷早鶯鳴斷絕心難續

惆恍鬼屢驚羣紀通家契

隋書
作好

鄒魯故鄉情儻隋書作若值

南飛鴈時希

隋書
作能

訪死生

贈竇蔡二記室入蜀

陳政

崑山積良寶大厦構衆材馬卿委官去鄒子背淮來風
流信多美朝夕豫平臺逸翮獨不羣清才復道上六輔

昔雄名二江今振響

漢書嚮
響通用

英華雖外發磨琢終內朗

四海奮羽儀清風久播馳沉鬱材難厠青山翻易阻迴

首望煙霞誰知慕儔侶飄然不繫舟為情自可求若奉
西園夜浩想北園愁無因逐萍藻從爾泛清流

贈梁公

王績

我欲圖世樂斯樂難可常位大招譏嫌祿極生禍殃聖
莫若周公忠豈踰霍光成王已興誚宣帝如負芒

一作恒如

芒范蠡何智哉單舟戒輕裝踈廣豈不懷策杖還故鄉
朱門雖足悅赤族亦可傷履霜成堅冰知足勝不祥我
今窮家子自言此見長功成皆能退自古

集作在昔誰滅亡

薛記室收過莊見尋率題古意以贈

王績

伊昔逢

集作遭

喪亂歷數適

集作閏

當餘豺狼塞衢路桑梓

成邱墟吾

集作余

及爾皆亡東西各異居爾為背風鳥

集背

作培我為涸轍魚逮承雲雷後欣逢天地初東川

集作州

聊

下釣南畝試揮鋤資稅幸不及伏臘常有儲散誕時須

酒蕭條頻向書朽木不可雕短翮將焉攄故人有深契

過我蓬蒿廬曳裾

集作履

出門迎握手登前除相看非舊

顏一作顏對接

集作忽若非

骸踈追道

集作悼

宿昔事切切心

相於憶我少年時攜手遊東渠梅李夾兩岸花枝何扶

踈同志亦不多西莊有姚徐嘗愛陶淵明酌醴焚枯魚

嘗學公孫弘策杖牧羣猪追念甫如昨奄忽成空虛人

生詎能幾歲歲

集作塞

常不舒賴有北山僧教我以真如

使我視聽遺自覺塵累祛何事須筌蹄今已得兔魚舊

遊儻多暇同此釋紛拏

寄劉校書

郭元振

俗吏三年何足論，每將榮辱在朝昏。
才微易向風塵老，身賤難酬知己恩。
御苑殘鶯啼落日，黃山黃山山名也
一作荒非細雨濕歸軒。
迴望漢家丞相府，昨來誰得掃重門。

贈封御史入臺

蘇味道

故事推三獨，茲辰對兩闈。
女鴉共鳴舞，屈草接芳菲。
盛府題青素，殊章動繡衣。
風連臺閣起，霜就簡書飛。
凜凜當朝色，行行滿路威。
唯當擊隼去，復覩落鴻歸。
集作路鵬

在廣州聞崔馬二御史並拜臺郎

前人

振鷺齊飛日遷駑遠

集作達

聽聞明光共待漏清覽各披

雲喜得廊廟舉嗟為臺閣分故林懷栢悅新握

集作帷

阻

蘭薰冠去神羊影車連瑞雉羣遠從南斗外遙仰列星

文

文苑英華卷二百四十八